



Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 209. Joannis Parvi caussa denuo ventilata.

[urn:nbn:de:hbz:466:1-66272](https://nbn-resolving.de/urn:nbn:de:hbz:466:1-66272)

nos inter & Teutonicos fancitas integra Sæcul. XV.
A.C. 1416.
fide obseruasse. Pari voto Magnus Or-
dinis Magister in sua epistola, se hanc
pacem nullo pacto violaturum spoondit,
supplicans, ut Synodus Ordinem suum
cum Polonis stabili foedere conjungere
niteretur. Vix non eadem in suis quo-
que literis Cracoviensis Academia ex-
pressit, ac vere ardens Ecclesiæ in Capi-
te ac membris restaurandæ desiderium
prodidit, pollicita, se haud segnus quam
ipsum Concilium in castigandis hæreti-
cis processuram, denique impense rogat
Prælatos, ut & ipsi divinæ, humanæ-
que scientiæ studia restaurarent, Uni-
versitates jamiam erectas beneficiis cu-
mulando, celebriores Professores advo-
cando, ac honestis stipendiis alliciendo,
novasque Cathedras fundando. Cra-
coviensis Universitas ab erectionis suæ
epocha sexdecim duntaxat numerabat
annos.

§. CCIX.

Joannis Parvi caufsa denuo ventilata.

Decreverant equidem Commissarii in Gerson. to. II.
caufsa Joannis Parvi sententias Docto- p. 650.
rum publici juris facere; cum tamen,
quamvis jam ad undecimam Aprilis ha-
rum publicatio præfixa fuisset, necdum eas
publicassent, ideo Ducis Burgundiæ Lega-
ti hujus sanctionis executionem omnibus

Q 3

viri-

Sæcul. XV. viribus urgebant. Ad Imperatorem quoque, nomine sui Ducis, prolixam mittunt supplicationem, multis questi contra Galliæ Legatos, & præcipue contra Gersonium, qui, ut inquiebant, justitiae cursum impediret. Econtra Galli recusatis Commissariis, totum negotium ab ipso Concilio sine forensi strepitu dijudicandum esse contendebant. In quem finem collimabat Epistola Academiæ Parisiensis ad Synodum, & quoddam hujus Urbis Senatus consultum die 19. Septembris promulgatum. Ast Burgundiæ Dux, ut consilium istud everteret, ad Synodum literas dedit, eidemque per novam Legationem sua exposuit querelarum momenta. Habemus in operibus Gersonii mandata, quæ Dux iste novis hisce Legatis dederat.

§. CCX.

Reditus Deputatorum ad Reges Castellæ & Navarræ a Synodo misorum.

Cum Oratores a Concilio ad Reges Navarræ & Castellæ, atque ad Comites Fuxum, & Armeniacum missi, reverterentur; in quadam generali Congregatione die decima nona Septembris habita, Concilio rei gestæ rationem redditere. Eodem tempore per hosce Reges